



VVidekindus uir fuit eximia fortitudine & prudentia præditus. Itaq; Saxones in Engeren eum sibi ducem elegerunt, anno 770. Eo autem tempore Carolus Francorum rex, qui postea ob rerum à se gestarum magnitudinem Magnus cognominatus fuit, cum Saxonibus bella gerebat, atq; eos à uanis superstitionibus & Idolorum cultu, ad ueram pietatem & Christianam religionem perducere conabatur. Itaque huic sese Vuidekindus fortiter opposuit, atque per triginta continuos annos uario Marte cum eo bella gessit.

Sæpius pax constituta, atque sæpius bellum restauratum fuit. Aliquoties etiam Vuidekindus suis copijs progressus, Coloniam usque omnia ferro & igne deuastauit.